

# INUIT ATAQATIGIIT INATSISARTUNI



UKA2021/93

21. oktober 2021

Harald Bianco

**Itilliarsuup ikerasaliortifigineqarnissaa piviusunngorteqqullugu Naalakkersuisut sulia-mik aallartitseqqullugit peqquneqarnissaannik Inatsisartut aalajangiiffigisassaattut siunnersuut. Ikerasaliaq Nordstar 30-imit assigisaanilluunniit aqqutigineqarsinnaa-sunngorlugu isissusilerneqarlunilu silissusilerneqassaaq.**

(Inatsisartunut ilaasortaq Anders Olsen, Siumut)

Siullermik siunnersuuteqartoq Anders Olsen Siumut qutsavigaara siunnersuutaanut.

Politikkikkoortumik nunatsinni ikerasaliortitsinissamik oqallinneq nutaajunngilaq, allaat Naalakker-suisut 2019-imi nassuiaammik sukumiisumik saqqumiisimallutik. Taakkulu pitsaasumik tunnga-vissiipput alloriaqqinnissamut.

Nunarsuatta sinnerani ikerasaliorneq qangarsuaaniilli atorineqartarpoq piffinni annertuumik iluaqutaa-sartunik. Tamannaavoq aamma nunatsinni siunissami annertunerusumik atulerumaagarput. Allattut oqatigalugu, ikerasaliorneq nunatsinni aamma atorfissaqartippavut, piffinni arlalinni.

Siunnersuumi pineqartumi pissutsit, ilaatigut sikorsuaqartarneranut aqqutillu immakut avataan-narsuatigoortariaqartarnernut navialiffiusinnaasutut oqaatigineqartut ilisarnarluinnarput, Tunumi pissutsinut assingulluinnarmata. Ikerasaliorneq ornitamut qanillisitsineratigut orsussatigut sipaagarsinnaalernissaq angalasunut oqilisaassisussaassaaq, angalasunut iluaqusiiumaartussa.

# INUIT ATAQATIGIIT INATSIARTUNI



Itilliarsummi ikerasaliortoqarpat qularutissaanngilaq atorluarneqarumaartoq. Nassuiaammi oqattigine-qartutuut ukiup ingerlanerani qaammatit amerlanerpaartaat, tassa qaammatit qulingiluat tikillugit kujammut avannamullu angallanneq ingerlasarmat.

Naalackersuisut pingaartippaat ikerasaliornissamik pisariaqartitsineq pillugu nassuiaat aallaavigalugu kommune peqatigalugu aningaasalersuinissamik pingaarnersiuinissaq ingerlatissallugu. Tamanna paasinarluinnarpoq ullumikkut nunatsinni aningaasaqarnitta inissisimanagera qiviassagaanni. Maannami kr. 1/2 mia.-tit tungaannut sipaarniutissanik nassaarniarnermi allanut miliuunilikkaanik aningaasaliinissaq inissaminiinngitsoq Inuit Ataqatigiinniit isumaqarpugut.

Taamatut tunngavilersuilluta Naalackersuisut siunnersuummut maannakkut itigartitsinerat Inuit Ataqatigiinniit taperserparput.